

## 【詞七首】

念奴嬌 — 恭賀中華民國百年慶，步蘇軾赤壁懷古韻。

中華民國，百年慶，多少英雄人物。普世歡騰，同景仰，翠亨中山耀壁。壯志凌雲，  
亡清救國，恥辱從頭雪，黃花崗上，毋忘七二豪傑。

猶憶國父當年，文明寰宇內，三民佈發，議論縱橫，聲洪亮，千古精神不滅。海外  
栖鴻，今朝齊聚首，莫驚華髮。良辰嘉會，願常共賞明月。

踏莎行 — 阿拉斯加之遊，風光如畫。

遍野迎松，遙岑散霧，紅毡鋪向天涯路，熱情如火接行人，前途瑞雪憑天護。

臨水登山，履冰險渡，遊踪隱約雲深處。並肩難得共幽閒，明朝又探漁樵去。

角招 — 訪希臘奧運會發源地，並祝二〇〇八年北京奧運會成功。

漫凝佇、疏林掩映雙河，夕照無語。但黃鸝細訴，虎躍龍騰，風雲何處？京華踵武。

想當年、酬神簫鼓，競技宙斯祠外，還將藝術發揚，騷人誦詩賦。

分付、四年一度，和平聖火，遙送京華路，普天齊贊慕，破蕾紅英，新開無數，爭  
榮故土，更則是、超倫今古，奪獎惟憑力赴，佔鰲頭，炎黃祚。

憶江南 — 遊千島湖

湖光翠，千島水雲間，縹緲浮遊疑是幻，迴環曲處盡清灣，笑語展歡顏。

## 浣溪沙 — 莫斯科修道院原是沙皇棄婦宮殿

倒影臨江綵鳳樓，沙皇棄婦鎖千秋，冷宮長日嘆離憂。

往事如烟輕似夢，君恩如水去難留，長門舊恨永無休。

## 沁園春 — 登里約耶穌山

世務紛紜，抽空尋樂，里約遨遊。憶登山臨水，憑高縱覽。披星戴月，美景盈眸。

來自天堂，降臨大地，救主耶穌立山頭。施仁愛，張手成十架，庇護同儕。

人生轉瞬蜉蝣，悟一夢黃梁不我留，信終身喜樂，及時行善，日常保健，何事強求？

有限精神，無窮欲望，且莫營營作苦囚。開懷笑，看紅霞弄彩，縹緲雲浮。

## 西江月 — 詩人雅集

斜月畫欄花影，小樓曲徑池台，輕歌曼舞綺筵開，隱約蕭笙門外。

詩興漸濃未散，揮毫展露英才，鴻篇佳範共相推，歷久彌新常在。